

Komisioni për Mbrojtjen e Konkurrencës në bazë të nenit 28 dhe nenit 19 paragrafi (1) pika 2) të Ligjit për Mbrojtjen e Konkurrencës (“Gazeta zyrtare e Republikës së Maqedonisë” nr. 145/10, 136/11, 41. /2014, 53/ 16 dhe 83/18), dhe duke vepruar në bazë të njoftimit të përqendrimit të parashtruar nga Audi Akciengesellschaft, me seli në Auto-Union-Str. 1, 85057 Ingolshat, Gjermani, përmes avokates Andrea Lazarevska nga Shkupi, në seancën e mbajtur më 31.05.2024, solli

### AKTVENDIM

Vërtetohet se përqendrimi me të cilin Audi Akciengesellschaft, me seli në Auto-Union-Str. 1, 85057 Ingolshat, Gjermani, do të fitoj kontrollin e Zuber Holding AG, me seli të regjistruar në Vildbahstrase 9, 8340 Hinwil, Zvicër, nëpërmjet blerjes së aksioneve, edhe pse është në kuadër të dispozitave të Ligjit për mbrojtjen e konkurrencës, nuk do të ketë për pasojë parandalimin, kufizimin ose çrregullimin e konsiderueshëm të konkurrencës efektive të tregut ose pjesës së tij thelbësore, sidomos si rezultat i formimit apo forcimit të pozitës dominuese të pjesëmarrësve dhe si i tillë **është në përputhje me dispozitat e Ligjit të mbrojtjes së konkurrencës në kuptim të nenit 19 paragrafi (1) pika 2) të Ligjit për mbrojtjen e konkurrencës.**

Parashtruesi i njoftimit për përqendrim obligohet që për njoftimin për përqendrim të paguaj taksë administrative në shumë prej 6.000,00 denarë. dhe për aktvendimin në shumën prej 30.000,00 denarë, sipas numrit tarifor 34 të Ligjit për taksa administrative ( Gazeta zyrtare e Republikës së Maqedonisë nr. 17/93, 20/96, 7/98, 13/01, 24/03, 19/04, 61/04 dhe 95/05, 7/06, 70/06, 92/07, 88/08, 130/08, 6/10, 145/10. 17/11) në llogarinë e Buxhetit të Republikës së Maqedonisë së Veriut nr. 100000000063095, llogarinë e pagesës 840.....03161, shifrën e të ardhurave dhe programin 72231300.

Padia për ngritjen e kontestit administrativ nuk e prolongon përmbardimin e aktvendimit.

### Arsyetim

Në përputhje të nenit 15 të Ligjit për Mbrojtjen e Konkurrencës më 25.04.2024, e plotësuar më 13.05.2024, te Komisioni për Mbrojtjen e Konkurrencës (në tekstin e mëtejme: Komisioni), është dorëzuar njoftim i përqendrimit nga Audi Akciengesellschaft, me seli në Auto-Union-Str. 1, 85057 Ingolshat, Gjermani, me të cilën Audi Akciengesellschaft shkon të fitoj kontrollin e vetëm të Zuber Holding AG, me seli të regjistruar në Vildbahstrase 9, 8340 Hinwil, Zvicër, nëpërmjet blerjes së aksioneve.

Komisioni filloi shqyrtimin e Njoftimit nga dita e pranimit të tij dhe në bazën e të dhënave të paraqitura në Njoftimin për përqendrim , shtojcat dhe anekset e tyre, konstatoi si në vijim:

### **Aktivitetet themelore të biznesit të ndërmarrjeve të përfshira:**

**Audi Akciengesellschaft** është kryesisht aktive në fushën e projektimit, prodhimit, furnizimit dhe shpërndarjes së makinave si dhe prodhimit dhe furnizimit të pjesëve rezervë për makina.

Audi Akciengesellschaft është një ndërmarrje -bijë në pronësi të plotë të Folkswagen AG (së bashku me ndërmarrjet-bijë tjera të saj "Grupi Folkswagen").53.3% e aksioneve të zakonshme të Folkswagen AG janë në pronësi të Porshe Automobil Holding SE (*Porsche Automobil Holding SE*), që paraqet 31.9% të kapitalit të Folkswagen AG.

Grupi Folkswagen është një prodhues i automjeteve të pasagjerëve dhe automjeteve komerciale, i cili ofron produktet e tij nën markat: Folkswagen (*Volkswagen*), Automjetet Komerciale Folkswagen (*Volkswagen Commercial Vehicles*), Shkoda (*ŠKODA*), SEAT (*Seat*), Kupra (*CUPRA*), Audi, Lamborxhini (*Lamborghini*), Bentli (*Bentley*), Dukati (*Ducati*) dhe Porshe (*Porsche*).

Grupi Folkswagen është gjithashtu aktiv në fusha të tjera të biznesit, të tilla si prodhimi i motorëve me naftë me hapje të madhe për aplikime detare dhe stacionare, turbochargers dhe turbomakina, kuti ingranazhesh speciale, kompresorë dhe reaktorë kimikë.

Përveç kësaj, Grupi Folkswagen ofron një gamë të gjerë të markave dhe njësie të biznesit shtesë, duke përfshirë shërbimet financiare. Folkswagen Fajnenshal Servisis AG (*Volkswagen Financial Services AG*) përbëhet nga financimi i tregtarëve dhe klientëve, lizingu, aktivitetet bankare dhe të sigurimit dhe menaxhimi i parkut të makinave.

Grupi Folkswagen ka ndërmarrjet-bijë të mëposhtme të themeluara në Maqedoninë e Veriut:

- Shoqëria e lizingut PORSHE LIZING SHPKNJP Shkup, me seli të regjistruar në bul.. Bosnje dhe Hercegovinë nr. 3 Shkup dhe me aktivitet të regjistruar - lizing financiar;
- Shoqëri Aksionare për kryerjen e punës së brokerimit të sigurimeve PORSHE BROKER SHA Shkup, me seli të regjistruar në bul. Bosnjë dhe Hercegovinë nr. 3 Shkup, dhe me aktivitet të regjistruar - aktivitetet e përfaqësuesve të sigurimeve dhe ndërmjetësve të sigurimeve;
- Shoqëria për tregti dhe shërbime SKANIA MAQEDONIA SHPKNJP import-eksport Ilinden, me seli të regjistruar në Rrugën 34 nr. 7, Ilinden, Shkup dhe me aktivitet të regjistruar - tregti me mjete të tjera motorike dhe
- Shoqëria për shitje dhe shërbime PORSHE MAQEDONIA SHPKNJP Shkup, me seli të regjistruar në bul. Bosnjë dhe Hercegovinë. nr. 4, Shkup dhe me aktivitet të regjistruar - tregti me makina dhe mjete motorike të lehta.

Zauber Holding AG është një shoqëri e pastër holding që nuk është e përfshirë as në aktivitete operationale dhe as drejtpërdrejt në financimin e personave juridikë operativ.

Zauber Holding AG ka dy ndërmarrje -bijë:

- (1) Zauber Motorsport AG (*Sauber Motorsport AG*), e cila lehtëson angazhimin e Formula 1 të Stejk 1 Tim Kik Zauber (Stake F1 Team Kick Sauber), është aktive në F1 Esports dhe ndërton shoferë të rinj në akademinë e saj, dhe
- (2) Zauber Technoloxhis AG (*Sauber Technologies AG*), që është aktive në aktivitetet e kërkimit dhe zhvillimit të motorsportit dhe ofron ekspertizë në Formula 1 në inxhinieri, prodhim dhe aerodinamikë për palët e treta.

Komisioni konstatoi se përqendrimi i parashtruar bie nën dispozitat e Ligjit për Mbrojtjen e Konkurrencës, sepse i plotëson kushtet e nenit 12 paragrafi (1) pika 2) dhe nenit 14 paragrafi (1) pika 1 dhe pika 2)) të Ligjit për Mbrojtje të Konkurrencës.

Komisioni, duke marrë parasysh kriteret e nenit 17 paragrafi (2), paragrafi (3) dhe paragrafi (4) të Ligjit për mbrojtjen e konkurrencës dhe pikën 6 (b) të *Udhëzimeve për përcaktimin e rasteve në të cilat gjatë vlerësimit të përqendrimeve, Komisioni për Mbrojtjen e Konkurrencës zakonisht përcakton se të njëjtat janë në përputhje me Ligjin për mbrojtjen e konkurrencës*, vlerëson se përqendrimi i parashtruar, edhe pse bie nën dispozitat e Ligjit, është në përputhje me të, sepse nuk do ketë në masë të konsiderueshme pengimin, kufizimin ose prishjen e konkurrencës efektive të tregut ose të pjesës qenësore të tij , veçanërisht si rezultat i krijimit ose forcimit të pozitës dominuese të pjesëmarrësve

Duke pasur parasysh këtë vlerësim të përqendrimit, Komisioni vendosi si në dispozitiv të këtij Aktvendimi, në përputhje me nenin 19 paragrafi (1) pika 2) të Ligjit për mbrojtjen e konkurrencës.

Sipas Nenit 53 paragrafi (2) të Ligjit për mbrojtjen e konkurrencës padia nuk e prolongon zbatimin e aktvendimit.

### **Udhëzim për mjetin juridik**

Kundër këtij aktvendimi mund të parashtrohet padi për inicim të kontestit administrativ në Gjykatën Administrative të Republikës së Maqedonisë në afat prej 30 ditësh nga dita e dorëzimit të tij.

**KOMISIONI PËR MBROJTJEN E KONKURENCËS**

**KRYETARE**

**Ана Николоска**